

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), na prijedlog Ministarstva za privredu, Vlada Zeničko-dobojskog kantona, na 162. sjednici, održanoj 24.09.2018. godine, d o n o s i

ZAKLJUČAK

I.

Prihvata se Informacija o postupku dodjele koncesije za istraživanje i eksploataciju uglja na području Zeničko-dobojskog kantona, koja čini sastavni dio ovog Zaključka.

II.

Zadužuje se Ministarstvo za privredu da nastavi proceduru dodjele koncesije za istraživanje i eksploataciju uglja na području Zeničko-dobojskog kantona.

III.

Zaključak stupa na snagu danom donošenja.

Broj: 02-_____/18.

Datum, 24.09.2018.godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Stručna služba Skupštine,

1x a/a.



INFIRMACIJA
O POSTUPKU DODJELE KONCESIJE ZA ISTRAŽIVANJE I EKSPLOATACIJU
UGLJA NA PODRUČJU ZENIČKO-DOBOJSKOG KANTONA

Zenica, septembar 2018. godine

UVOD

U cilju informisanja Vlade Kantona Ministarstvo za privredu sačinilo je Informaciju o postupku dodjele koncesije za istraživanje i eksploataciju uglja na području Zeničko-dobojskog kantona.

Realizacija koncesionih projekata iz nadležnosti Ministarstva za privredu uređeno je Zakonom o dopunama Zakona o koncesijama („Službene novine Federacije BiH“, broj: 61/06) i Zakonom o koncesijama (Prečišćeni tekst) Zeničko-dobojskog kantona («Službene novine Zeničko-dobojskog kantona», broj: 05/03). Nadležnost Kantona, između ostalog, je dodjela koncesija za istraživanje i/ili eksploatacija energetskih mineralnih sirovina (ugalj, sirova nafta, zemni gas i dr.).

Prema Član 27. Zakonu o koncesijama ZDK, citiramo,

„Privredno društvo koje u obavljanju svoje djelatnosti istražuje i/ili eksploatira i koristi prirodno bogatstvo, dobro u općoj upotrebi ili obavlja djelatnost od općeg interesa a do stupanja na snagu ovog Zakona nije zaključilo ugovor o koncesiji zaključuje ugovor o koncesiji bez provođenja postupka javnog oglašavanja propisanim ovim zakonom u roku od tri mjeseca od stupanja na snagu ovog Zakona, osim prirodnog bogatstva, dobra u općoj upotrebi ili djelatnosti od općeg interesa koja su predmet restitucije.

Uz zahtjev za dodjelu koncesije nadležnom ministarstvu privredno društvo prilaže saglasnosti i odobrenja koja su izdata od nadležnih organa po važećim zakonima.

Visinu naknade za koncesiju i druge uvjete potrebne za zaključenje ugovora o koncesiji utvrđuje Vlada na prijedlog nadležnog ministarstva.

Ugovor o koncesiji iz stava 1. ovog člana zaključuje se na period do pet godina.

Privredno društvo koje u periodu od tri mjeseca od dana stupanja na snagu ovog Zakona ne zaključi ugovor o koncesiji gubi pravo stečeno odobrenjem izdatim po ranije važećim zakonima.“

Tokom proteklog perioda (do podnošenja zahtjeva za dodjelu koncesije – decembar 2017. godine) privredni subjekti ZD RMU “ZENICA” d.o.o. Zenica, ZD RMU “KAKANJ” d.o.o. Kakanj i ZD RMU “BREZA” d.o.o. Breza, nisu iskoristili priliku za potpis koncesionog ugovora.

Također, reakcije rudnika nije bilo niti po članu 27a. Zakona o dopuni Zakona o koncesijama („Službene novine Zeničko-dobojskog kantona“, broj: 3/13).

Nakon donošenja Zakona o rudarstvu Federacije Bosne i Hercegovine („Službene novine Federacije BiH“, broj 26/10) kod izdavanja dozvola Federalnog ministarstva energije, rudarstva i industrije - FMERI, istaknut je zahtjev za dostavljanje ugovora o koncesiji od strane podnosilaca zahtjeva (JP “Elektroprivreda BiH” d.d. Sarajevo ZD RMU – Investitor)

U Rješenjima koje izdaje FMERI, između ostalog, navodi se da je JP “Elektroprivreda BiH” d.d. Sarajevo ZD RMU – Investitor, dužan pridržavati se ugovora o koncesiji za eksploataciju mineralne sirovine po njegovom potpisivanju sa nadležnim ministarstvom.

U Obrazloženju Rješenja, FMERI se poziva na akt Ministarstva za privredu iz 2011. godine o ishodovanju koncesije za eksploataciju uglja, kojim su iskazani razlozi nepotpisivanja koncesionih ugovora sa rudnicima iz ZDK.

Ovo je postalo neprihvatljivo za Ministarstvo za privredu, a naročito nakon:

- poziva rudnicima za pokretanje procedure dodjele koncesije, iz 2013. godine (na koju su se rudnici ogлуšili),
- implementacije Zakona o finansijskoj konsolidaciji rudnika uglja u Federaciji BiH i rasterećenja poslovanja rudnika,

-pokrenutih tužbi Općina Kakanj (42,2 miliona KM) i Breza (20,3 miliona KM) zbog nepotpisivanja koncesionih ugovora sa pomenutim rudnicima uglja (tuženi: 1. ZD RMU “Kakanj” d.o.o. Kakanj i ZD RMU “Breza” d.o.o. Breza, 2. Zeničko-dobojskog kantona i 3. Federacija BiH) .

Zbog pokrenutih tužbi i njihovog neizvjesnog epiloga, Ministarstvo za privredu je stavilo van snage svoj akt iz 2011. godine, što je rezultiralo neizdavanjem dozvola FMERI JP ZD RMU – Investitorima.

Nakon niza provedenih procesnih radnji, Općinski sud u Zenici je 11.01.2018. godine donio Presudu kojom je tužbu Općine Kakanj odbio u cjelosti, što je uradio i Kantonalni sud u Zenici 19.04.2018. godine. Općine Kakanj i Breza nisu odustale od nastavka vođenja tužbe koristeći druge zakonske mogućnosti.

U međuvremenu, a nakon podnošenja zahtjeva za dodjelu koncesija iz decembra 2017. odine, na osnovu zakonom definisanih obaveza, Ministarstvo za privredu Zeničko-dobojskog kantona je pokrenulo i realiziralo niz aktivnosti vezanih za dodjelu koncesija na istraživanje i eksploataciju uglja.

U nastavku Informacije dat je pregled do sada realiziranih aktivnosti vezanih za pomenuti predmet koncesije.

1. PRETHODNE AKTIVNOSTI

O svim dosadašnjim aktivnostima vezanim za dodjelu koncesije za istraživanje i eksploataciju uglja Ministarstvo za privredu je pravovremeno i detaljno informisalo Vladu Kantona. Tako je, između ostalog, na prijedlog Ministarstva za privredu, Vlada Zeničko-dobojskog kantona, na 183. sjednici, održanoj dana 18.09.2014. godine, razmatrala i usvojila Informaciju o provođenju postupka dodjele koncesije na uglj. Zbog specifičnosti predmeta koncesije, do sada su aktivnosti vođene u kontinuitetu.

Krajem 2017. i početkom 2018. godine Ministarstvu za privredu Zeničko-dobojskog kantona obratili su se privredni subjekti ZD RMU “ZENICA” d.o.o. Zenica, ZD RMU “KAKANJ” d.o.o. Kakanj i ZD RMU “BREZA” d.o.o. Breza, sa zahtjevima za dodjelu koncesije za istraživanje i eksploataciju mineralne sirovine uglja na području općina Kakanj i Breza, te Grada Zenica.

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama (“Službene novine Federacije Bosne i Hercegovine”, broj: 61/06 i članom 8. Zakona o koncesijama (Prečišćeni tekst) (“Službene novine Zeničko-dobojskog kantona”, broj: 5/03), Ministarstvo za privredu obratilo se Načelnicima i Općinskim vijećima Kakanj i Breza, te Gradonačelniku i Gradskom vijeću Zenica, sa Zahtjevima za davanje Saglasnosti Vijeća za dodjelu koncesije za eksploataciju uglja na područjima navedenih općina/grada.

Saglasnost Općinskog/Gradskog vijeća je osnovni akt za procjenu postojanja javnog interesa (sa aspekta uravnoteženog regionalnog razvoja, ekonomskog, sociološkog, ekološkog, uređenje i korištenje prostora na kome se realizira koncesioni projekat).

Obzirom na kompleksnost postupka dodjele koncesije na istraživanje i eksploataciju, samo bezuslovna Saglasnost Općinskog vijeća predstavlja osnov za procjenu postojanja javnog interesa. Bitno je imati u vidu činjenicu da su elementi sadržaja Ugovora o koncesij zakonom propisan i njime se uređuju međusobni odnosi, te prava i obaveze između koncesora i koncesionara. Realizacija drugih projekata može biti predmet posebnih ugovora sklopljenih između zainteresovanih strana –Općina/Grad – ZD RMU.

Naime, u dobivenim saglasnostima navedene su koordinate prijelomnih tačaka istražno-eksploatacijskog polja koje se razlikuju od koordinata iz Studije ekonomske opravdanosti dodjele koncesije, odnosno iz Zahtjeva za dodjelu koncesije ZD-a RMU-a.

Pored toga, u saglasnostima je dat niz uslova koji se odnose na Studiju ekonomske opravdanosti dodjele koncesije, vezani su za definiranje istražno-eksploatacijskog polja (proširenje, isknjiženje područja iz granica odobrenog eksploatacijskog polja i slično).

U saglasnostima se navode uslovi koji su propisani drugim zakonima, a koje će Koncesionar imati obavezu realizirati u postupku ishodovanja svih relevantnih dozvola za istraživanje i eksploataciju u istražno-eksploatacijskom polju nakon ostvarivanja prava, odnosno potpisivanja koncesionog ugovora. Navođenje ovih zakonskih obaveza je suvišno.

U saglasnostima su navedeni i oročeni uslovi koji se tiču realizacije drugih projekata, kao što su:

- Poduzimanje hitnih mera i aktivnosti (odmah) na sanaciji klizišta,
- Izgradnja asfaltnih saobraćajnica,
- Izgradnja transportnih saobraćajnica za ugalj,
- Izgradnja postrojenja za tretman industrijskih otpadnih voda i slično.

Zbog predmeta Ugovora o koncesiji i propisanog sadržaja Ugovora o koncesiji realizacija drugih projekata mora biti uređena posebnim ugovorom između Općina/Grada i ZD-a RMU-a, a ne između koncesora i koncesionara.

U saglasnostima su iskazani i određeni uslovi vezani za sadržaj studija ekonomske opravdanosti dodjele koncesije, a vezani su za njen sadržaj, koje ZD-a RMU-a moraju dopuniti u skladu sa zahtjevima.

OPĆINA KAKANJ - ZD RMU "KAKANJ" d.o.o. Kakanj

Općinsko vijeće Kakanj donijelo je Odluku o davanju prethodne saglasnosti za dodjelu koncesije privredni subjekt ZD RMU "KAKANJ" d.o.o. Kakanj za istraživanje i eksploataciju mineralne sirovine uglja na području Općine Kakanj, broj: 01/1-15-548/17 od 28.12.2017. godine (JP Elektroprivreda BiH d.d Sarajevo, ZD RMU "KAKANJ" d.o.o. Kakanj).

Prema Odluci, saglasnost za dodjele koncesije Općinskog vijeća Kakanj data je uslovno.

Naime, u članu 1. Odluke navedene su koordinate prijelomnih tačaka istražno-eksploatacijskog polja koje se razlikuju od koordinata iz Studije ekonomske opravdanosti dodjele koncesije, odnosno iz Zahtjeva za dodjelu koncesije ZD RMU "Kakanj".

Pored toga u članovima 3. ,4. i 5. Odluke dat je niz uslova koji se odnose na Studiju ekonomske opravdanosti dodjele koncesije, vezani su za definiranje istražno-eksploatacijskog polja (proširenje, isknjiženje područja iz granica odobrenog eksploatacijskog polja i slično.

U članu 2. Odluke navode se uslovi koji su propisani drugim zakonima, a koje će Koncesionar imati obavezu realizirati u postupku ishodovanja svih relevantnih dozvola za istraživanje i eksploataciju u istražno-eksploatacijskom polju nakon ostvarivanja prava, odnosno potpisivanja koncesionog ugovora. Stoga je navođenje ovih zakonskih obaveza suvišno. To se odnosi, između ostalog, na radnje i mjere kao što je:

- Primjena propisa iz oblasti rudarstva , okoliša, građenja ...,
- Pribavljanje svih relevantnih dozvola, saglasnosti ...,
- Pribavljanje nove Urbanističku saglasnost i Okolinsku dozvolu,
- Kontinuirano obavljanje sanacije i rekultivaciju zemljišta,
- Izvođenje sanacije i rekultivaciju napuštenih eksploatacionih površina,
- Poduzimanje posebnih mjera zaštite odlaganja sekundarnih sirovina separacije sa mjerama zaštite,
- Prije konačne sanacije provođenje mjera obezbjeđenja i osiguranja,
- Zadržati dosadašnji režim građenja propisan Prostornim planom na svim eksploatacijskim poljima,

- Na koncesionom području (površinska eksploatacija) definisati: termin plan eksploatacije, naknada iseljenju stanovništva (ne duži od 3 godine),
- Ugrožavanje i zaštita izvorišta vode za piće usljed eksploatacija,
- Ugrožavanje i zaštita kulturno-historijskog naslijeđa i zaštićenih područja usljed eksploatacije.
- U istom članu Odluke navedeni su i uslovi koji se tiču realizacije drugih projekata, kao što je:
- Poduzimanje hitnih mera i aktivnosti (odmah) na sanaciji klizišta u mjestima Brnjic, Mramor ... (6 sela),
- Poduzimanje hitnih mjera i aktivnosti (odmah) na sanaciji klizišta deponije "Bare",
- Spriječavanje nastanaka štetnih posljedica po druge subjekte usljed rudarskih radova,
- Izgradnja funkcionalne asfaltne saobraćajnice kroz PK "Vrtlište", u roku dvije godine nakon potpisivanja koncesionog ugovora,
- Izmijeniti način transporta od jame Haljinići do separacije, u roku sedam godin nakon potpisivanja koncesionog ugovora,
- Obezbijediti sigurnost učesnika u saobraćaju kod Separacije, u roku dvije godine nakon potpisivanja koncesionog ugovora.

U članu 5. Odluke iskazani su i određeni uslovi vezani za sadržaj Studije ekonomske opravdanosti dodjele koncesije vezani za njen sadržaj, koje ZD RMU "Kakanj" mora dopuniti u skladu sa zahtjevima Općine Kakanj.

U međuvremenu održano je niz razgovora između svih učesnika u postupku.

Tokom razgovora iskazan je jedan od najbitnijih zahtjeva za Općinu Kakanj, a odnosi se na izuzimanje iz koncesionog polja puta sa putnim pojasom koji prelazi preko odlagališta jalovine "Vrtlište", na komunikaciji selo Brnjic – Donji Kakanj. Nakon ovoga ZD RMU "Kakanj" je Ministarstvu za privredu dostavio korigovanu Studiju ekonomske opravdanosti dodjele koncesije usaglašenu sa zahtjevima Općine Kakanj (akt broj: RU-RMUK-NA-1/18, august 2018 godine), te Izjašnjenje po stavovima na Odluku Općinskog vijeća o davanju prethodne saglasnosti za dodjelu koncesije, broj:04-18-13059/18 od 22.08.2018.godine

U Studiji i Izjašnjenju je posebno naglašena obaveza Rudnika da omogući konačnu izgradnju puta Brnjic – Donji Kakanj preko odlagališta "Vrtlište".

OPĆINA BREZA - ZD RMU "BREZA" d.o.o. Breza

Općinako vijeće Breza donijelo je Odluku o davanju prethodne saglasnosti na dodjelu koncesije za istraživanje i eksploataciju mineralnog resursa - uglja na Općine Breza, broj: 01/1-02-480/18 od 27.02.2018. godine (JP Elektroprivreda BiH d.d Sarajevo, ZD RMU "Breza" doo Breza).

Prema Članovima 2. i 4. Odluke, saglasnost Općinskog vijeća Breza za dodjelu koncesije data je uslovno.

Naime, u Članu 4. Odluke navode se uslovi koji su propisani drugim zakonima, a koje će Koncesionar imati obavezu realizirati u postupku ishodovanja svih relevantnih dozvola za istraživanje i eksploataciju u istražno-eksploatacijskom polju nakon ostvarivanja prava, odnosno potpisivanja koncesionog ugovora. Stoga je navođenje ovih zakonskih obaveza, kao što su ishodovanje "okolinske dozvole" , "šumske salasnosti" i drugih, suvišno.

U Članu 2. Odluke navodeni su i uslovi koji se tiču realizacije drugih projekata, kao što je "osposobljavanje i zaštita putne komunikacije", "zaštita primarnog cjevovoda". Zbog predmeta Ugovora o koncesiji i propisanog sadržaja Ugovora o koncesiji realizacija drugih projekata mora biti uređena posebnim ugovorom između Općine Breza i ZD RMU "Breza", a ne između koncesora i koncesionara.

Ministarstvu za privredu, aktom broj: 01-OPK-5058/18 od 04.04.2018 godine, obratilo se ZD RMU “Breza” sa prigovorom na Odluku o davanju prethodne saglasnosti, broj: 01/1-02-480/18 od 27.02.2018. godine, u kojem navode svoje neslaganje sa članom 1. Odluke Vijeća, odnosno promjeni koordinata eksploatacijskih polja u odnosu na one koje su navedene u Studiji ekonomske opravdanosti dodjele koncesije, kao polazne osnove za donošenje Odluke Vijeća (istražno-eksploatacijsko polje prostire se na područja tri općine). Na ovaj način Općinsko vijeće indirektno je iskazalo neprihvatanje Studije ekonomske opravdanosti dodjele koncesije.

U međuvremenu, a nakon usaglašavanja sa ZD RMU “Breza”, Općinsko vijeće Breza izvršilo je izmjenu prvobitne Odluke, Odlukom o izmjeni Odluke, od 30.05.2018. godine. Na ovaj način je korigovano koncesiono polje ZD RMU “Breza” navedeno u Studiji.

GRAD ZENICA - ZD RMU “ZENICA” d.o.o. Zenica

Gradsko vijeće Zenica donijelo je Zaključak o davanju prethodne saglasnosti na mogućnost dodjele koncesije za istraživanje i eksploataciju mineralne sirovine - uglja na području Grada Zenica, broj: 01-01-3801/18 od 08.02.2018. godine (JP Elektroprivreda BiH d.d Sarajevo, ZD RMU “Zenica” doo Zenica).

Prema tački II Zaključka, saglasnost Gradskog vijeća Zenica na mogućnost dodjele koncesije data je uslovno.

Naime, u tački II navode se uslovi koji su propisani drugim zakonima, a koje će Koncesionar imati obavezu realizirati u postupku ishodovanja svih relevantnih dozvola za istraživanje i eksploataciju u istražno-eksploatacijskom polju nakon ostvarivanja prava, odnosno potpisivanja koncesionog ugovora. Stoga je navođenje ovih zakonskih obaveza, kao što je “održavanje i sanacija deponija jalovine” “zaštita okoliša”, suvišno.

U Zaključku su navedeni i uslovi koji se tiču realizacije drugih projekata, kao što je “izgradnja postrojenja za tretman industrijskih otpadnih voda”. Zbog predmeta Ugovora o koncesiji i propisanog sadržaja Ugovora o koncesiji realizacija drugih projekata mora biti uređena posebnim ugovorom između Grada Zenica i ZD RMU “Zenica”, a ne između koncesora i koncesionara.

Zaključkom su iskazani i određeni uslovi vezani za sadržaj Studije ekonomske opravdanosti dodjele koncesije vezani za mjere zaštite okoliša, koje ZD RMU “Zenica” mora dopuniti u skladu sa zahtjevima iz Zaključka Gradskog vijeća.

2. TRENUTNE AKTIVNOSTI

U cilju utvrđivanja iznosa koncesionih naknada za istraživanje i eksploataciju uglja, kao prethodnog pitanja, Rješenjem Vlade Kantona, broj 02-34-12770/18 od 13.08.2018. godine imenovana je Radna grupa za pripremu izmjene Odluke o utvrđivanju minimalnih naknada za koncesije (“Službene novine Zeničko-dobojskog kantona“, broj: 6/13), sa ciljem utvrđivanja minimalnih naknada za koncesije (iznos osnovice jednokratne i tekuće koncesione naknade), čiji je predmet istraživanje i/ili eksploatacija energetskih mineralnih sirovina, u sastavu:

1. Amir Abazović, predstavnik Ministarstva za privredu,
2. Kemal Bjelić, predstavnik Ministarstva za privredu,
3. Senada Dizdar, predstavnica Ministarstva za poljoprivredu, šumarstvo i vodoprivredu,
4. Samra Članjak, predstavnica Ministarstva za poljoprivredu, šumarstvo i vodoprivredu,
5. Nađa Mišić, predstavnica Ministarstva za prostorno uređenje, promet i komunikacije i zaštitu okoline,
6. Amela Vukojević, predstavnica Ministarstva za prostorno uređenje, promet i komunikacije i zaštitu okoline,
7. Adis Čehić, predstavnik Ministarstva finansija,

8. Jusuf Brkić, predstavnik Grada Zenica (prema aktu Gradonačelnika Grada Zenica broj 02-49-17177/18 od 22.08.2018. godine)
9. Nermin Čosić, predstavnik Općine Breza (prema aktu Općinskog načelnika Općine Breza broj 01/2-05-2407/18 od 15.08.2018. godine)
10. Mirza Fazlić, predstavnik Općine Kakanj (prema aktu Općinskog načelnika Općine Kakanj broj 02/1-6013/18 od 16.08.2018. godine), odnosno:
11. Fadil Merdić, zamjenski predstavnik Općine Kakanj (prema aktu Općinskog načelnika Općine Kakanj broj 02/1-6131/18 od 27.08.2018. godine)

Rok za završetak zadatka po Rješenju je 31.08.2018. godine.

Radna grupa je održala četiri radna sastanka (23., 27., 29. i 30.08.2018. godine). Na sastancima su prisustvovali svi imenovani, sem Nađe Mišić i Senade Dizdar, koje su bile na godišnjem odmoru.

Ministarstvo za privredu je pripremilo radne materijale koji su poslužili za informisanje ostalih predstavnika Radne grupe:

1. Zakon o koncesijama (Prečišćeni tekst) („Službene novine Zeničko-dobojskog kantona“, broj 5/03),
2. Odluka o utvrđivanju minimalnih naknada za koncesije („Službene novine Zeničko-dobojskog kantona“, broj 6/13),
3. Ugovori o koncesijama iz Tuzlanskog kantona,
4. Pregled uporednih podataka proizvodnje i koncesionih naknada za ugalj:
 - Uporedni podaci proizvodnje uglja u rudnicima iz ZDK,
 - Uporedni podaci površina istražno-eksploatacijskih polja, cijena uglja i prosječne toplotne vrijednosti, u rudnicima iz ZDK,
 - Uporedni podaci koncesionih naknada kod koncesionara u Tuzlanskom kantonu i
 - Prijedlog koncesionih naknada za ugalj u ZD RMU “Breza” (iz Studije o ekonomskoj opravdanosti dodjele koncesije – jednokratna 10,00 KM/ha i kontinuirana 0,35 KM/t),
 - Obaveze koncesionara po osnovu predloženih koncesionih naknada u ZDK.

Postupajući u skladu sa Rješenjem Vlade Kantona, broj 02-34-12770/18 od 13.08.2018. godine o imenovanju Radne grupe za pripremu izmjene Odluke o utvrđivanju minimalnih naknada za koncesije („Službene novine Zeničko-dobojskog kantona“, broj 6/13), Radna grupa je izradila Radnu verziju prijedloga minimalnih jednokratnih i kontinuiranih koncesionih naknada za koncesije čiji je predmet istraživanje i/ili eksploatacija energetske mineralne sirovine.

Radna grupa je u zadatom roku pripremila Izvještaj i smatra, da bi nakon pribavljanja pozitivnih mišljenja od nadležnih organa (Saveza gradova i općina u Federaciji BiH, Konkurencijskog vijeća BiH, Ministarstva energije, rudarstva i industrije Federacije BiH, Sekretarijata za zakonodavstvo Zeničko-dobojskog kantona, Ministarstva finansija Zeničko-dobojskog kantona, te Ministarstva za pravosuđe i upravu Zeničko-dobojskog kantona), u skladu sa eventualnim primjedbama i sugestijama od strane istih, nadležno kantonalno ministarstvo trebalo izvršiti eventualne korekcije Radnog materijala Nacrta Odluke o izmjenama i dopunama Odluke o utvrđivanju minimalnih naknada za koncesije, u skladu sa pribavljenim mišljenjima, te pripremiti prijedlog Odluke o izmjenama i dopunama Odluke o utvrđivanju minimalnih naknada za koncesije za Vladu Kantona.

Nakon dobivanja Izvještaja o radu Radne grupe, Ministarstvo za privredu uputilo je Vladi Kantona na usvajanje **Izvještaj Radne grupe za pripremu izmjene Odluke o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13) po Rješenju Vlade Kantona o imenovanju Radne grupe broj: 02-34-12770/18 od 13.08.2018. godine, sa Zaključkom.**

Pored toga, Ministar Ministarstva za privredu donio je Rješenja o imenovanju Komisija za procjenu javnog interesa, te provođenje postupka dodjele koncesije za istraživanje i eksploataciju mineralne sirovine – uglja, na području općina Kakanj i Breza, te Grada Zenica.

U sastav Komisije imeni su:

- | | |
|----------------------------------|--------------|
| 1. Ljiljana Anđelić, dipl.prav. | predsjednica |
| 2. Selma Bašić, dipl.ing.maš. | članica |
| 3. Senada Dizdar, dipl.ing.građ. | članica |
| 4. Nađa Mišić, dipl.prav. | članica |
| 5....., | član |

Kao peti član, ispred Općine Kakanj imenovan je Mirza Fazlić, a ispred Općine Breza imenovan je Salih Hasanspahić, dok Grada Zenica još nije imenovao svoga predstavnika. Za administrativno-tehničke poslove Komisije zadužuje se Kemal Bjelić.

Zadatak Komisije je da u skladu sa članovima 6., 7. i 8. Zakona o koncesijama i drugim propisima utvrdi postojanje javnog interesa za dodjelu koncesije za istraživanje i eksploataciju mineralne sirovine – uglja na području pomenutih općina, pa u slučaju postojanja javnog interesa utvrdi kriterije javnog poziva, te provede postupak ocjenjivanja i izbor najpovoljnije ponude za dodjelu konsije.

3. BUDUĆE AKTIVNOSTI

Nakon dobivanja pozitivnih mišljenja: Saveza gradova i općina u Federaciji BiH, Konkurencijskog vijeća BiH, Ministarstva energije, rudarstva i industrije Federacije BiH, Sekretarijata za zakonodavstvo Zeničko-dobojskog kantona, Ministarstva finanija Zeničko-dobojskog kantona, te Ministarstva za pravosuđe i upravu Zeničko-dobojskog kantona, Ministarstvo za privredu će, na osnovu Radne verzije Odluku o izmjenama i dopunama Odluke o utvrđivanju minimalnih naknada za koncesije, koju je izradila Radna grupa i eventualnih sugestija iz mišljenja pomenutih organa, predložiti Vladi Kantona donošenje Odluke o izmjenama i dopunama Odluke o utvrđivanju minimalnih naknada za koncesije.

Bez obzira na prethodne aktivnosti Ministarstvo za privredu ima pripremljene RADNE VERZIJE Akata koji trebaju biti doneseni u nastavku postupka dodjele koncesije za istraživanje i eksploataciju uglja:

- 1. Zapisnik Komisije za procjenu javnog interesa, te provođenje postupka dodjele koncesije za istraživanje i eksploataciju mineralne sirovine – ugalja, na području općine Kakanj – PROCJENA POSTOJANJA JAVNOG INTERESA,**
- 2. Odluku o pristupanju provođenja procedure dodjele koncesije za istraživanje i eksploataciju mineralne sirovine – mrkog uglja na ležištu u području općine Kakanj,**
- 3. Javni poziv za prikupljanje ponuda za izbor najpovoljnijeg ponuđača – koncesionara za dodjelu koncesije za istraživanje i eksploataciju metalne sirovine – mrki ugalj na području općine Kakanj,**
- 4. Zapisnik Komisije za procjenu javnog interesa, te provođenje postupka dodjele koncesije za istraživanje i eksploataciju mineralne sirovine – ugalja, na području općine Kakanj –**
- 5. IZBOR NAJPOVOLJNIJE PONUDE ,**
- 6. Odluku o dodjeli koncesije za istraživanje i eksploataciju mineralne sirovine – mrkog uglja na ležištu u području općin Kakanj,**
- 7. Koncesioni ugovor:**

Ovaj ugovor zaključuje se na osnovu Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03), Odluke Vlade Zeničko-dobojskog kantona o dodjeli koncesije na istraživanje i eksploataciju mineralne sirovine – mrkog uglja na ležištu u području općine Kakanj, **broj: 02-18-...../18 od2018. godine**, Odluke Općinskog vijeća Kakanj o davanju prethodne saglasnosti na dodjelu koncesije za istraživanje i eksploataciju mineralne sirovine – uglja na

području općine Kakanj, broj: 01/1-15-5448/17 od 28.12.2017. godine, Studiju ekonomske opravdanosti dodjele koncesije (augustu 2018. godine), sa Izjašnjenjem Koncesionara po stavovima na Odluku Općinskog Vijeća o davanju prethodne saglasnosti za dodjelu koncesije, broj: 01/D-01-52-12801/18 od 20.08.2018. godine (u daljem tekstu: Saglasnost), te Mišljenja Kantonalnog pravobranilaštva Zenica, broj: 02-11-...../18 od2018. godine.

Bitan element Odluka i Ugovora o koncesiji je da će Općine/Grad biti odgovorni za nadzor i realizaciju zahtjeva iz donesenih Saglasnosti Vijeća.

Prema istom modelu, a nakon provedenih identičnih radnji, bit će realizirani postupci dodjele koncesije za istraživanje i eksploataciju uglja na područjima općina Breza i Zenica.

ZAKLJUČAK

Imajući u vidu prthodno, može se zaključiti slijedeće:

1. Postupak dodjele koncesije za istraživanje i eksploataciju uglja je vrlo kompleksan,
2. Ministarstvo za privredu treba nastaviti proceduru dodjele koncesije za istraživanje i eksploataciju uglja na području ZDK.

OBRADIO:

Amir Abazović, pomoćnik ministra

Kemal Bjelić, stručni saradnik za koncesije

MINISTAR

Zlatko Jelić